

**UGOVOR O DIREKTNOM SPORAZUMU
ZA NABAVKU KNJIGA**

Zaključen u Sarajevu između:

1. JU BIBLIOTEKA SARAJEVA, Miss Irbina br. 4, Sarajevo, ID broj: 4200301270007, koju zastupa direktor Zlatko Topčić (u daljem tekstu: Naručilac), s jedne strane i
2. „LIJEPA RIJEČ“ d.o.o. Tuzla, Ulica Miroslava Krleže br. 11 ID broj: 4210191940007, koju zastupa direktor Zdenko Tomić (u daljem tekstu: Dobavljač) s druge strane

PREDMET UGOVORA

Član 1.

Predmet ovog ugovora je nabavka knjiga za potrebe JU Biblioteka Sarajeva.

Član 2.

Ugovorne strane saglasno konstatuju da je ovaj ugovor sačinjen na osnovu Ponude broj: PON-001-7/2019 za nabavku knjiga za potrebe JU Biblioteka Sarajeva.

UGOVORENA VRIJEDNOST

Član 3.

Naručilac se obavezuje da na ime cijene za nabavku knjiga iz člana 1. ovog ugovora plati dobavljaču iznos sa uračunatim PDV-om od 2.609,10 KM (dvijehiljadešeststotinadevet KM i 10/100). Cijena iz stava 1. ovog člana je nepromjenjiva.

USLOVI ISPORUKE

Član 4.

Dobavljač se obavezuje da će isporučiti knjige u roku od 30 dana. Realizacija počinje nakon potpisivanja ugovora, a dobavljač je dužan da vodi evidenciju o isporuci knjiga.

NAČIN PLAĆANJA

Član 5.

Naručilac vrši plaćanje dobavljaču na osnovu Računa dobavljača a plaćanje će se izvršiti u roku od 30 dana od dana uredno predate Otpremnice od strane dobavljača.

OBAVEZE DOBAVLJAČA

Član 6.

Dobavljač se obavezuje da će isporučiti knjige, bez smetnji najkasnije za 30 dana od dana potpisivanja ugovora o direktnom sporazumu.

Član 7.

RASKID UGOVORA

Naručilac može raskinuti ovaj ugovor u sljedećim slučajevima:

- ako dobavljač ne isporuči knjige u predviđenom roku,
- ako je naručilac nezadovoljan kvalitetom knjiga.

Dobavljač može raskinuti ugovor, ako naručilac ne ispuni finansijske obaveze utvrđene ovim ugovorom.

ZAVRŠNE ODREDBE

Član 8.

Za sve eventualne sporove u vezi izvršenja ovog ugovora, ugovorene strane će prvenstveno rješavati sporazumno. U slučaju da ugovorene strane ne mogu riješiti spor dogovorom za rješavanje spora nadležan je Općinski sud u Sarajevu.

Član 9.

Danom zaključenja ovog ugovora smatra se datum potpisivanja druge ugovorene strane. Za sve što nije regulisano ovim ugovorom, primjenjivat će se odredbe Zakona o obligacionim odnosima i drugih pozitivnih propisa koje regulišu predmetnu oblast.

Član 10.

Ovaj ugovor sačinjen je u četiri (4) istovjetna primjerka od kojih naručilac zadržava dva (2) a dobavljač dva (2) primjerka.

ZA NARUČIOCA:

Direktor Zlatko Topčić

Broj: 08-1-373 /19
Sarajevo, 15.03. /2019. g.

ZA DOBAVLJAČA:

Tomić Zdenko
Direktor Zdenko Tomić

Broj: 02 /19
Sarajevo, 15.3 /2019. g.